

Sur canoni G. Aluis Brugger 1871-1953

Autor(en): **G.G:**

Objekttyp: **Obituary**

Zeitschrift: **Igl Ischi : organ della Romania (Societat de Students Romontschs)**

Band (Jahr): **40 (1954)**

PDF erstellt am: **29.06.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

† Sur canoní G. Aluís Brugger

1871 — 1953


Essend che Sur canoní Brugger ei staus presents alla fundaziun della Romania e silsunter adina fideivels ad ella sco commember de quella e sco collaboratur digl Ischi, mereta «nies augsegner p. m. de Mustér» cumpleinamein enzacontas paginas de regurdientscha.

Naschius ils 5 de sett. 1871 a Messina en Sizilia, nua che siu bab era emigraus per in temps, tuorna el miez onn vegls a Rueras. Veramein talentus buob, fa el il gimnasi a Mustér ed a Friburg; silsunter la teologia a Cuera ed allura frequenta el aunc per in temps l' universitad de Louvain en Belgia, nua ch' el se dedichescha principalmein a studis filosofics e teologics, e vegn schizun en contact cul grond filosof de gliez temps, Mercier, il renomau cardinal de pli tard.

Turnaus ella patria ch' el ei, auda el cuninaga tiels umens dil «liun» de Trun, dr. C. Decurtins, tier quels talentus e curachus collaboraturs dil grond politicher cultural e social de renum svizzer ed europeic.

A Trun pastorescha Sur Brugger 17 onns (1895—1912) ed a Mustér schizun 32 onns (1912—1944). Staus ch' el ei lu mo enzaconts paucs onns spiritual el spital de Glion, tuorna el silsunter a Mustér, per far sera sontga e murir († ils 11 de zercl. 1953) el ravugl de ses carezai parochians. Sia liunga pastora-ziun ei stada distinguida e benedida tgiembelplein de lavurs e merets.

Havend Sur Brugger giu studegiau a funs la psicologia fisiologica, la psicologia experimentalala all' universitad de Louvain tiel renomau Mercier, la pli renomada autoritad en quels fatgs, capin nus ch' el ha allura pli tard cargau viaden en nies cantun, cura ch' ei settractava de damondas che pertuccavan la



† Sur canoni G. Al. Brugger

pedagogica de nossas scolas primaras e medias! Ins patratgi mo de ses interessantissims artechels, secrets dal temps ch' ei mava pil «Sigisbert en Rezia» — e quels arisguard la pedagogica pratica de nossa pli aulta scola dil cantun.

Da lezzas uras fuva Sur Brugger aunc in um giuven sil meglia, in tip intelligent che seschava entusiasmar per nos gronds principis, per tut il bi e bien de nossa cultura cristiana, il ver tip dils paladins de Decurtins, als quals ils nos agens ughegiavan buca de catschar il cunti el dies, ni de better crappa en via, cura ch' ei setractava luvrar per nos agens ideals! —

Il scribent de questa cuorta memoria, ha giu la grazia ded ir a ductrina tier Sur Brugger igl emprem onn ch' el ei vegnius a Mustér, ed el ha aunc oz certas uras de sia bellezza instrucziun presentas el spert, sco sch' ei fuss stau pér ier. Sur Brugger era in magister che saveva scaldar la coraglia de buobs e buobas per tut il bi e grond de nossa s. religiun, ch' ei fritgava aunc onns ed onns suenter. — Denter auter less jeu mo remarcar cheu che jeu vessi mai scret la biografia de Sia Sontgadad Papa Pius X, sche Sur Brugger, nies excellent catechet della s. Communiun, havess buca presentau a nus schi clar e cordial la gronda personalitad de Papa Pius ils X, ch' el numnava gia lu «il Sogn della S. Communiun.» —

Anno 1921 vegn nies «farrer» numnaus canoni, ina zun meritada renconuschientscha per ses gronds merets. Tgi che ha enconuschiu Sur Brugger, tgi ch' ei staus els bauns giudapeis ad el, sa dir nuot auter ch' el eri veramein in spiritual plein anim e carezia per tuts, in spiritual ideal, tenor igl exempel de minga di e mintg' ura: Niessegner Jesus Cristus.

Plein carezia e pissiun per la scienza pli aulta della filosofia, survargava aunc quella «sia tut speciala carezia per Diu e per las olmas». Mo era la carezia pils paupers, digns e meins digns, e sia gronda misericordia per quels, era quella dil ver discipel de Cristus

In temps ora scriveva Sur Brugger ella Romontscha, el «Basler Volksblatt» ed el BT. artechels de maguol ed ossa — e beinenqual havess giavischau ch' el vess continuau cun quella missiun oz aschi actuala e moderna, mo essend el mai staus in um de bia plaid, senuspeva el plitost de scriver pli savens che

cura ch' ei fuva veramein s' i' u r a. — Leu quels onns dil combat encunter il modernismus, ha Sur Brugger secundau Decurtins en siu combat cun distinguida forza e talent. Ins legi per ex. da quellas vards sia stupenta seria d' artechels compari ella Periodica de Vienna, ina lavur ruasseivla e profunda che ha perfin anflau la cuntentientscha e renconuschientscha davart Papa Pius ils X.

Ligliaus en tutta carezia amicabla cun nos zun meriteivels, prus e luvrus Romanians digl emprem temps: dr. C. Decurtins, P. Maurus Carnot, Msgr. Uestg Caminada, prof. dr. P. Tuor, Sur Flurin Camathias, Sur Gion Cahannes, Sur G. Cadieli, Sur canoni Pl. Sig. Deplazes, tut tips de format academic e popular (el ver senn dils plaids), eis ei capeivel che Sur Brugger ha era adina susteniu ils ideals culturals e linguistics della Romania e digl Ischi. Anno 1936 publichescha Sur Brugger egl Ischi de gliez onn l' emprema pli gronda biografia de siu venerau amitg e mentor: Dr. Casper Decurtins. Quell' ei per in bionton pli perfetga che las duas anteriuras da Flurin Berther, comparida 1916 ellas «Freiburger Nachrichten» e quella de Cavelti, Gossau. En sia pli vasta e grond' ovra, vesan ins ch' il pli capavel biograf de Decurtins, Sur canoni dr. Carli Fry, ha fatg bien diever della fontauna viventa, che Sur Brugger ei staus per el en beinenqual damonda davart nies pli grond Sursilvan.

Nus lein mantener buna e pia memoria de nies car augsegner, Sur canoni Brugger, mo era dil fideivel e respectau Romanian. El ruaussi ella paisch dil Segner.

(Pli bia e meglier scret davart la veta ed ils merets de Sur Aluis Brugger mira: Gasetta Romontscha 1953, nr. 49 e 50, necrolog da Sur dr. C. Fry; BT. 1953, nr. 135, necrolog da P. Odilo Zurkinden; Il Pelegrin, annada 54, nr. 7, p. 146/147, necrolog da Sur Giusep Durschei, redactur dil Pelegrin). Gm. Ga.